

دائرة مخصوصه

در سعادتده باب عالی جوارنده

محل اداره :

مشرط افق

اخطار :

مسلكمزه موافق آثار جديده مع المنوئيه
قبول اولنور

درج ايضله بن آثار اعاده اولنور

ديره، فلسفه، علوم، حقوق، ادبيات و سياستنامه و باطلاحه كرك سياسي او كرك اجتماعي و مردمی احوال و مشوره اسلاميه در بحث ايدر و هفته ده بر نشر اولنور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	»	۹	فرائق

تاریخ تأسیسی

۱۰ تموز ۳۲۴

قیرلهدن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۲

۲۷ شوال ۳۲۷ پنجشنبه ۲۹ اشرفین اول ۳۲۵

اوچینچی جلد

يكنم ز سكه حسابي كس ، چكل كيت . نيك ايجون بردها بورايه كه .
ضابط : — الا پيشيره جكسكنز ، ديه اصرار ايدر .

دير كن ارالرنده قاوغا باشلار . ضابط خنزير آتي ايله آشجينك
باشه اورور . مسلمان آشجي ده مفتي عبدالرحمن افندي حضرتلرينه
خبر ويرر . اوكونده بالتصادف جمعه . مفتي عبدالرحمن افندي ايكي
آدم كوندرير ، وقعه يي تحقيق ايتديرر ، آشجي نك حقل اولديني
آكلاشيلير . بونك اوزرينه مفتي حضرتلري اعلان ايلر كه :

« بتون مسلمانلر حاضر اولسون . يارين صباح ساعت طقوزده
مجوسيلردن انتقام آلايه چيچه جغز . مجوسيلرله مقاتله ايده جكز . »
ديكر طرفدن پوليس ناظرينه ده خبر كوندرير :

« يارين ساعت طقوزده بون فلان يرده فلان محله نك مجوسيلردن
انتقام آله جغز . »

پوليس ناظري وقعه يي تحقيق ايدر ، آشجي يي حقل بولوب
مرجعنه اخبار ايدر . برمدت صوكر ا پوليس ناظري برخيلي مأمورين
ضابطه ايله مفتي عبدالرحمن افندي مدرسه سنه كليرلر ، ضابطي ده
قوللري باغلي ، عسكري البسه سي چيقارلمش اولديني حالده كديرلر .
مفتي عبدالرحمن افنديدن اعتذار ايدرلر هر نه جزا ترتيب اولنورسه
هان اجرا ايده جكلريني سويلرلر .

مفتي عبدالرحمن افندي ابتداء قطعاً انتقام آلمق فكرنده اولديني
سويلر . چونكه محله خلق [مجوسيلر] ده ضابط ، ياردم ايتملر . فقط
صوكر « خليفه مسلمين طرفدن مسلمانلري حمايه ايجون كلن آدم
وار ، استشاره ايدلم ، فلان . . » ديه علي رضايي كوسترر . پوليس
ناظري ، علي رضانك آياغنه قايانير . عنها منها ساعت اون ايكيه قدر
مذاكره جريان ايدرلر نهايت صلحه قرار ويرلر .

صلح نامه : آشجي او محله ده اوچ سنه اجاره ويرميجك ،
يكنن داخلنده هيچ بر مسلمان عليه نه حركت اولونمايه جق ، ضابطك
جرمي برنجي دفعه اولديغندن عفو اولونه جق ، محله مجوسيلري چين
عاقبي اوزره اعتذار [ترضيه] علامتي اولان قاعده يه رعايه اوزون
وقيرمزي بر غصا اله طوته رق كله جكلر ، [۱]

ايكنجي وقعه ده بوندن اوچ كون مقدم پكندن ۲۵ ميل مسافه ده
كائن بر قريه ده وقعه كلش : غير مسلم اولان كوي اهاليسندن
بر قاچ آدم برخنزير آلوب مسلمان قريه سنه كليرلر ، بر مسلمان خانه سنه
خنزير ايله برابر كيرلر . دير كن قاوغا ، قيامت قوبار . هان مفتي
عبدالرحمن افندي به خبرجي [ياشتافيت] كلير .

افرنجي ۱۵ اغتوسده مفتي عبدالرحمن افندي كيجه ياريسي
اتباعي ايله برلكده آتله بينه رك سرعتله محل وقعه يي يتيشيرلر .
هر طرفدن مسلمانلر قارنجه كي قريه يي قوشايتلرلر . ايكي كون
تراعدن صوكر ا حكومت رجالي آرايه كيردك تلفاته ميدان ويرمهدن
ايشي صلحه ، باغلارلر . مجوسيلر تكرار قيرمزي عصاي آله رق ديز
چوكوب اعتذاره كليرلر . . .

[۱] اوزون وقيرمزي عصا ، تسليم واعتذار علامتي در .

ايشته اتفاق ثمره سي ! مسلمانلرك بو خصوصه اولان تفاقليري
شاين تحسين در . كره ارضك هيچ بر طرفنده كي مسلمانلر ده بواتفاق
يوقدر . بوخصلت يالكنز چين مسلمانلرينه مخصوصدر . بوندن طولايي
مفتي عبدالرحمن افندي جنابلري نه قدر تحسين وستايش اولونسه
آزدر . هله بو صوك وقعه ده اللي اوچ ساعت آياقه دورمش ،
عودتنده كوزلري قيب قيرمزي اواش ، حالده اويله در .

بووقعه لرك تفصيلاتي صالا اسماعيل افندي واسطه سيله آكلادم .
اكر بوكي وقعه لره صالح اولماسه بتون ايش مخاربه يه دوزمش . قاچ
دفعه لر چين داخلنده مسلمانلرله مجوسيلر آرسنده فتنه ظهور ايتمش سه ،
ابتداسي مطلقا شويله اهميتسز بر شيدن باشلارمش . جزئي بروقه
اولور اولماز ، مسلمانلر هان حرب علامتي اولان قيرمزي ياراغي
چكلرلر . بونك ايجون عموم مجوسيلر مسلمانلردن قورقورلر ، بونكله
برابر حكومت ده متعدد دفعه لر بتون مأمورلره تنبيه ايتمش : « مسلمانلر
اصلا تعرض ايمه يكنز ! » ديمش . . . بوجهتله چين مسلمانلرينه برسوز
سويلك ممكن دكلدر . لكن . . . آه لكن عمومي جهالت ، كلنجه ، اوپك
فنادر ، پك آجينه جق بر حالده در . واقعا جهالت عموم مسلمانلري
قابلا مشدر ؛ فقط بالخاصه ، چينده بوجهالت پك زياده وپك دهشتلي در .

يكنن
عبدالرشيد ابراهيم

افغانستانه معلم صفتيله كيده جك ضابطان

افغانستان اردوسنك برقات دها تنظيم وتنسيق ضمنتده معلم
صفتيله لزومي مقدار ضباط عسكريه اعزامي طلب اولنش و كيفيت
دائرة عانده سندن استفسار قلمشدر .

دولت عثمانيه وهند مسلمانلري

انكلتره وهندستان مسلمانلرينك رئيسي ومسلله شرقيه جمعيني
رئيس ثايسي امير علي الحسيني حضرتلري طرفدن شيخ الاسلام
صاحب منابك افندي حضرتلرينه كوندريلن مکتوبك ترجمه سيدر :
افندم حضرتلري ،

عثمانلي لسانه عدم وقوفدن طولايي ذاب فضيلتمأ بکزه سلام
احترام کارانه مي انكلير لسانيله تقديمه اجتسار ايدنيورم . انكلير
وهند مسلمانلري ذات فاضلانلرينك وظهرور ومقدر رفقا كزله
برلكده شوآنده مشغول اولديفكنز عظيم ونافع ايشي — كه تركيانك
اصلاحندن وعثمانلي امپراطورلنك اعاده شرف اعتبارندن عبارتدر —
غايت صميمي اوله رق تقدير ايدرلر . بومهم وظيفه ده موفقيت كامله يه
مظهر يتكزي وترك امپراطورلنك سعادت حاله نائليتي نني ايلرم .

امير علي الرخوي الحسيني

« مطبعة خيريه وشرکاسي » مدير مسئول : اشرف اريب